

諦差別事者謂無量界說者事者謂佛及彼

弟子所說事者謂四念住等菩提分法衆會

事者所謂八衆一刹帝利衆二婆羅門衆三

長者衆四沙門衆五四大天王衆六三十三

天衆七夜摩天衆八梵天衆又喎柁南曰

色聚相應品 世相及與緣 善等差別門

巧便事爲後

### 十三末

### 瑜伽師地論卷第三

習三

分析擊下先栗稗拜下蒲珂貝上苦何反

池沼下

孔隙下丘塊傾對鑽子官諳悉舍反訊信

瞞詩門反軀嗜上丁舍反鍛丁亂八岡音古舊

莫庚蚤則巧蠍許鵠堅鞞下吾更跳條机蹬

郎窄堵上蘇沒反麁時夜泣謎閉反淒替音蔬

菜跡上音嚼慈約暴乾上蒲木反休愈下革盪

滌徒的反蕩下搦尼厄反又操而休蚊蚋上音文下

下都鄧矣反臺抗浪反屢力句

上居反

有情量建立四有情壽建立五有情受用建

立六生建立七自體建立八因緣果建立

云何數建立略有三界謂欲界色界無色界  
如是三種名墮攝界非墮攝界者謂方便并  
薩迦耶滅及無戲論無漏界此中欲界及色  
界初靜慮除靜慮中間若定若生名有尋有

### 瑜伽師地論卷第四

習四

彌勒菩薩說

沙門玄奘奉詔譯

本地分中有尋有伺地之一

已說意地云何有尋有伺地云何無尋唯伺

地云何無尋無伺地揔喎柁南曰

界相如理不如理 雜染等起最爲後

乙 王註判

如是三地略以五門施設建立一界施設建立  
二相施設建立三如理作意施設建立四  
不如理作意施設建立五雜染等起施設建立  
立云何界施設建立別喎柁南曰

數處量壽受用生 自體因緣果分別

當知界建立由八相一數建立二處建立三

同地即靜慮中間若定若生各無尋唯同地隨一有情由修此故得爲大梵從第二靜慮餘有色界及無色界全名無尋無同地此中由離尋同欲道理故說名無尋無同地不由不現行故所以者何未離欲界欲者由教導作意差別故於一時間亦有無尋無同意現

習四

二

王

行已離尋同欲者亦有尋同現行如出彼定及生彼者若無漏界有爲定所攝初靜慮亦名有尋有同地依尋同處法緣真如爲境入此定故不由分別現行故餘如前說

處所建立者於欲界中有三十六處謂八大那落迦何等爲八一等活二黑繩三衆合四號叫五大號叫六燒熱七極燒熱八無間此諸大那落迦處廣十千踰繕那此外復有八寒那落迦處何等爲八一炮那落迦二炮裂那落迦三燄嘶詰那落迦四郝郝凡那落迦五虎虎凡那落迦六青蓮那落迦七紅蓮那落迦八大紅蓮那落迦從此下三萬二千踰

繕那至等活那落迦從此復隔四千踰繕那有餘那落迦如是等活大那落迦處初寒那落迦應知又有餓鬼處所又有非天處所傍生即與人天同處故不別建立復有四大洲如前說復有八中洲又欲界大有六處一四

大王衆天二三十三天三時分天四知足天五樂化天六他化自在天復有摩羅天宮即他化自在天攝然處所高勝復有獨一那落迦近邊那落迦即大那落迦及寒那落迦以近邊故不別立處又於人中亦有一分獨一那落迦可得如尊者取緣豆子說我見諸有情燒然極燒然遍極燒然摠一燒然聚如是等三十六處摠名欲界

復次色界有十八處謂梵衆天梵前益天大梵天此三由轉中上品熏修初靜慮故少光天無量光天極淨光天此三由轉中上品熏修第二靜慮故少淨天無量淨天遍淨天此

三由輶中上品熏修第三靜慮故無雲天福生天廣果天此三由輶中上品熏修第四靜慮故無想天即廣果攝無別處所復有諸聖住止不共五淨宮地謂無煩無熱善現善見及色究竟由輶中上上勝上極品雜熏修第四靜慮故復有超過淨宮大自在住處有十

地菩薩由極重修第十地故得生其中

復次無色界有四處所或無處所

有情量建立者謂贍部洲人身量不定或時高大或時卑小然隨自肘三肘半量東毗提訶身量決定亦隨自肘三肘半量身又高大如東毗提訶如是西瞿陀尼北拘盧洲身量

四  
智四

三

王

亦爾轉復高大四大王衆天身量如拘盧舍四分之一三十三天身量復增一足帝釋身量半拘盧舍時分天身量亦半拘盧舍此上一切如欲界天身量當知漸漸各增一足梵衆天身量半踰繕那梵前益天身量一踰繕那大梵天身量一踰繕那半少光天身量二

踰繕那此上一切餘天身量各漸倍增除無雲天應知彼天減三踰繕那又大那落迦身量不定若作及增長極重惡不善業者彼感身形其量廣大餘則不爾如大那落迦如是寒那落迦獨一那落迦近邊那落迦傍生餓鬼亦爾諸非天身量大小如三十三天當知無色界無有色故無有身量

壽建立者謂贍部洲人壽量不定彼人以三十日夜爲一月十二月爲一歲或於一時壽無量歲或於一時壽八萬歲或於一時壽量漸減乃至十歲東毗提訶人壽量決定二百五十歲西瞿陀尼人壽量決定五百歲北拘盧洲人壽量決定千歲又人間五十歲是四大王衆天一日一夜以此日夜三十日夜爲一月十二月爲一歲彼諸天衆壽量五百歲人間百歲是三十三天一日一夜以此日夜如前說彼諸天衆壽量千歲如是所餘乃至他化自在天日夜及壽量各增前一倍又四

大王衆天滿足壽量是等活大那落迦一日  
一夜即以此三十日夜爲一月十二月爲一  
歲彼大那落迦壽五百歲以四大王衆天壽  
量成等活大那落迦壽量如是以三十三天  
壽量成黑繩大那落迦壽量以時分天壽量  
成衆合大那落迦壽量以知足天壽量成號  
叫大那落迦壽量以樂化天壽量成大號叫  
大那落迦壽量以他化自在天壽量成燒熱  
大那落迦壽量應知亦爾極燒然大那落迦  
有情壽半中劫無間大那落迦有情壽一中  
劫非天壽量如三十三天傍生餓鬼壽量不  
定又寒那落迦於大那落迦次第相望壽量

四

五

近半應知又近邊那落迦獨一那落迦受生  
有情壽量不定梵衆天壽二十中劫一劫梵  
前益天壽四十中劫一劫大梵天壽六十中  
劫一劫少光天壽八十中劫二劫自此以上  
餘色界天壽量相望各漸倍增唯除無雲當  
知彼天壽減三劫空無邊處壽二萬劫識無

邊處壽四萬劫無所有處壽六萬劫非想非  
非想處壽八萬劫除北拘盧洲餘一切處悉  
有中天又人鬼傍生趣有餘淨身天及那落  
迦與識俱沒無餘淨身

受用建立者略有三種謂受用苦樂受用飲  
食受用婬欲

受用苦樂者謂那落迦有情多分受用極治  
罰苦傍生有情多分受用相食噉苦餓鬼有  
情多分受用極飢渴苦人趣有情多分受用  
匱乏追求種種之苦天趣有情多分受用襄  
惱墜沒之苦

又於等活大那落迦中多受如是極治罰苦

謂彼有情多共聚集業增上生種種苦具次  
第而起更相殘害悶絕躋地次虛空中有大  
聲發唱如是言此諸有情可還等活可還等  
活次彼有情歛然復起復由如前所說苦具  
更相殘害由此因緣長時受苦乃至先世所  
造一切惡不善業未盡未出故此那落迦名

爲等活又於黑繩大那落迦中多受如是治罰重苦謂彼有情多分爲彼所攝獄卒以黑繩拏之或爲四方或爲八方或爲種種圖畫文像彼旣拏已隨其處所若鑿若斷若斫若剜由如是等種種因緣長時受苦乃至先世所造一切惡不善業未盡未出故此那落迦

名爲黑繩

又於衆合大那落迦中多受如是治罰重苦謂彼有情或時展轉聚集和合爾時便有彼攝獄卒驅逼令入兩鐵輪頭大山之間彼旣入已兩山迫之旣被迫已一切門中血便流注如兩鐵輪頭如是兩鐵瓶頭兩鐵馬頭兩鐵象頭兩鐵師子頭兩鐵虎頭亦爾復令和合置大鐵槽中便即壓之如壓甘蔗旣被壓已血便流注復和合已有大鐵山從上而墮令彼有情躰在鐵地若斫若刺或擣或裂旣被斫刺及擣裂已血便流注由此因緣長時受苦乃至先世所作一切惡不善業未盡未

出故此那落迦名爲衆合

又於號叫大那落迦中多受如是治罰重苦謂彼有情尋求舍宅便入大鐵室中彼纔入已即便火起由此燒然若極燒然遍極燒然既被燒已苦痛逼切發聲號叫由此因緣長時受苦乃至先世所造一切惡不善業未盡

未出故此那落迦名爲號叫又於大號叫大那落迦中所受苦惱與此差別謂彼室宅其如胎藏故此那落迦名大號叫

又於燒熱大那落迦中多受如是治罰重苦謂彼所攝獄卒以諸有情置無量踰繕那熱極熱遍極燒然大鐵熬上左右轉之表裏燒燄又如炙魚以大鐵弗從下貫之徹頂而出反覆炙之令彼有情諸根毛孔及以口中悉皆焰起復以有情置熱極熱遍極燒然大鐵地上或仰或覆以熱極熱遍極燒然大鐵椎棒或打或築遍打遍築令如肉搏由此因緣長時受苦乃至先世所造一切惡不善業未

四  
四  
四  
四

盡未出故此那落迦名爲燒熱

又於極燒熱大那落迦中所受苦惱與此差別謂以三支大熱鐵弗從下貫之徹其兩髀及頂而出由此因緣眼耳鼻口及諸毛孔猛焰流出又以熱極熱遍極燒然大銅鐵鎔遍裹其身又復倒擲置熱極熱遍極燒然彌滿

灰水大鐵鑊中而煎煮之其湯湧沸令此有情隨湯飄轉或出或沒念其血肉及以皮脉惡皆銷爛唯骨鎖在尋復灑之置鐵地上令其皮肉及以血脉復生如故還置鑊中餘如燒熱大那落迦說由此因緣長時受苦乃至先世所造一切惡不善業未盡未出故此那落迦名極燒熱

又於無間大那落迦中彼諸有情恒受如是極治罰苦謂從東方多百踰繩那燒熱極燒熱遍極燒然大鐵地上有猛熾火騰焰而來刺彼有情穿皮入肉斷筋破骨復徹其體燒如脂燭如是舉身皆成猛焰如從東方南西

北方亦復如是由此因緣彼諸有情與猛焰和雜唯見火聚從四方來火焰和雜無有間隙所受苦痛亦無間隙唯聞苦逼號叫之聲知有衆生又以鐵箕盛滿燒然極燒然遍極燒然猛焰鐵炭而皴揃之復置熱鐵地上今登大熱鐵山上而復下下而復上從其口中拔出其舌以百鐵釘釘而張之令無皺摵如張牛皮復更仰卧熱鐵地上以熱燒鐵鉗鉗口令開以燒然極燒然遍極燒然大熱鐵丸置其口中即燒其口及以咽喉徹於腑臟從下而出又以洋銅而灌其口燒喉及口徹於腑臟從下流出所餘苦惱如極熱說由此因緣長時受苦乃至先世所造一切惡不善業未盡未出故此那落迦名爲無間多是造作無間之業來生是中此但略說麤顯苦具非於如是大那落迦中所餘種種衆多苦具而不可得又於近邊諸那落迦中有情之類受用如是治罰重苦謂彼一切諸大那落迦皆

習四

十

王

有四方四岸四門鐵牆圍遶從其四方四門出已其一一門外有四出園謂塘煨齊膝彼諸有情出求舍宅遊行至此下足之時皮肉及血並即消爛舉足還生次此塘煨無間即有死屍糞泥此諸有情爲求舍宅從彼出已漸漸遊行陷入其中首足俱沒又屍糞泥內

多有諸蟲名蠻矩吒穿皮入肉斷筋破骨取髓而食次屍糞泥無間有利刀劍仰刃爲路彼諸有情爲求舍宅從彼出已遊行至此不足之時皮肉筋血悉皆消爛舉足之時還復如故次刀劍刃路無間有刀葉林彼諸有情爲求舍宅從彼出已往趣彼陰纔坐其下微風遂起刃葉墮落斫截其身一切支節便即躰地有黑釐狗楂掣脊脂而噉食之從此刀葉林無間有鐵設拉末梨林無間有廣大河沸熱舍宅便來趣之遂登其上當登之時一切刺鋒悉迴向下欲下之時一切刺鋒復迴向上由此因緣貫刺其身遍諸支節爾時便有鐵

塗大烏上彼頭上或上其體啞啄眼睛而噉食之從鐵設拉末梨林無間有廣大河沸熱灰水彌滿其中彼諸有情尋求舍宅從彼出已來墮此中猶如以豆置之大鑊然猛熾火而煎煮之隨湯騰湧周旋迴復於河兩岸有諸獄卒手執杖索及以大網行列而住遮彼

習四

八

王

有情不令得出或以索繩或以網灑復置廣大熱鐵地上仰彼有情而問之言汝等今者欲何所須如是答言我等今者竟無覺知然爲種種飢苦所逼時彼獄卒即以鐵鉗鉗口今開便以極熱燒然鐵丸置其口中餘如前說若彼答言我今唯爲渴苦所逼爾時獄卒

便即洋銅以灌其口由是因緣長時受苦乃至先世所造一切能感那落迦惡不善業末盡未出此中若刀劍刃路若刀葉林若鐵設拉末梨林摠之爲一故有四園又於寒那落迦受生有情多受如是極重寒苦謂匏那落迦中受生有情即爲彼地極重廣大寒觸所

觸一切身分悉皆卷縮猶如瘡匏故此那落

迦名炮那落迦砲裂那落迦與此差別猶如  
匏潰膿血流出其瘡卷皺故此那落迦名爲  
砲裂又歟嘶詰郝郝凡虎虎凡此三那落迦  
由彼有情苦音差別以立其名青蓮那落迦  
中由彼地極重廣大寒觸所觸一切身分悉

皆青瘀皮膚破裂或五或六故此那落迦名  
曰青蓮紅蓮那落迦與此差別過此青已色  
變紅赤皮膚分裂或十或多故此那落迦名  
曰紅蓮大紅蓮那落迦與此差別謂彼身分  
極大紅赤皮膚分裂或百或多故此那落迦  
名大紅蓮

賀四

九

王

緣具受種種極重苦惱

又餓鬼趣略有三種一者由外障礙飲食二  
者由內障礙飲食三者飲食無有障礙云何  
由外障礙飲食謂彼有情由習上品慳故生  
鬼趣中常與飢渴相應皮肉血脉皆悉枯槁  
猶如火炭頭髮畢亂其面黯黑脣口乾焦常

以其舌舐略口面飢渴惶惶處處馳走所到  
泉池爲餘有情手執刀杖及以縉索行列守  
護令不得趣或強趣之便見其泉變成膿血  
自不欲飲如是等鬼是名由外障礙飲食云  
何由內障礙飲食謂彼有情口或如針口或  
如炬或復頸癟其腹寬大由此因緣縱得飲

食無他障礙自然不能若噉若飲如是等鬼  
是名由內障礙飲食

云何飲食無有障礙謂有餓鬼名猛焰鬘隨  
所飲噉皆被燒然由此因緣飢渴大苦未嘗

所殺害由此因緣受種種苦以不自在他所  
驅馳多被鞭撻與被人天爲資生具由此因  
又獨一那落迦中受生有情各於自身自業  
所感多受如是種種大苦如吉祥間採綠豆  
子經中廣說故此那落迦名爲獨一

又傍生趣更相殘害如羸弱者爲諸強力之  
所殺害由此因緣受種種苦以不自在他所  
驅馳多被鞭撻與被人天爲資生具由此因

有一分唯能飲取極可厭惡生熟臭穢縱得香美而不能食或有一分自割身肉而啖食之縱得餘食竟不能歟如是等鬼是名飲食無有障礙

又人趣中受生有情多受如是匱乏之苦所謂俱生飢渴匱乏苦所欲不果匱乏苦鹿蹠飲食匱乏苦逼切追求攝受等匱乏苦時節變異若寒若熱匱乏苦無有舍宅覆障所作淋漏匱乏苦黑闇等障所作事業皆悉休廢匱乏苦又受變壞老病死苦由那落迦中謂死為樂故於彼趣不立為苦

又天趣中無解支節苦而有死墮苦如經中

習四

十

王

說有諸天子將欲沒時五相先現一衣無垢染有垢染現二髮舊不萎今乃萎頽三兩腋汁流四身便臭穢五天及天子不樂本座時彼天子偃卧林間所有綵女與餘天子共為遊戲彼既見已由此因緣生大憂苦復受陵憊悚慄之苦所以者何由有廣大福聚成就

及廣大五欲天子生時所餘薄福諸舊天子見已惶怖由此因緣受大憂苦及受斫截破壞驅擯殘害之苦所以者何由天與非天共戰諍時天與非天互相違拒即執四仗所謂金銀頗底琉璃共相戰鬪爾時諸天及與非天或斷支節或破其身或復致死若傷身斷節續還如故若斷其首即便殞沒天與非天互有他勝即退入自宮已之同類竟不慰問由於他勝即懷憂感若天得勝便入非天宮中為悅其女起此違諍若非天得勝即入天宮為求四種酥陀味故共相戰諍

又諸非天當知天趣所攝然由意志多懷詐幻誦誰多故不如諸天為淨法器由此因緣有時經中說為別趣實是天類由不受行諸天法故說為非天復有強力天子纔一發憤諸劣天子便被驅擯出其自宮是故諸天受三種苦謂死墮苦陵憊苦斫截破壞殘害驅

習四

十一

王

擯若又色無色界有情無有如是等苦由彼有情非苦受器故然由蘆重苦故說彼有苦有煩惱故有障故於死及住不自在故又無漏界中一切麁重諸苦永斷是故唯此是勝義樂當知所餘一切是苦又於四種那落迦中無有樂受如那落迦中三種餓鬼中亦爾諸大力鬼傍生人中有外門所生資具樂可得然爲衆苦之所相雜

又人趣中轉輪王樂最勝微妙由彼輪王出現此時有成就七寶自然出現故說彼主具足七寶何等爲七所謂輪寶象寶馬寶末尼珠寶女寶玉藏臣寶主兵臣寶爾時輪寶等現其相云何七寶現相如經廣說若彼輪王王四洲者一切小王望風順化各自白言其城邑聚落天之所有唯願大王垂恩教勑我等皆當爲天僕隸爾時輪王便即勑令汝等諸王各於自境以理辨化當以如法勿以非法又復汝等於國於家勿行非法行勿行不

平等行若彼輪王王三洲者先遣使往然後從化若彼輪王王二洲者興師現威後乃從化若彼輪王王一洲者便自往彼奮戈揮刃然後從化

復次諸天受其廣大天之富樂形色殊妙多諸適悅於自宮中而得久住其身內外皆悉清潔無有臭穢又人身內多有不淨所謂塵垢筋骨脾腎心肝彼皆無有

又彼諸天有四種宮殿所謂金銀頗胝琉璃所成種種文綵綺飾莊嚴種種臺閣種種樓觀種種曾級種種竈牖種種羅網皆可愛樂種種末尼以爲綺鉏周帀放光共相照曜

復有食樹從其樹裏出四食味名曰酥陀所謂青黃赤白復有飲樹從此流出甘美之飲復有乘樹從此出生種種妙乘所謂車輶輦輿等復有衣樹從此出生種種妙衣其衣細軟妙色鮮潔雜綵間飾復有莊嚴具樹從此出生種種微妙莊嚴之具所謂末尼臂印耳

瑞環釧及以手足綺飾之具如是等類諸莊嚴具皆以種種妙末尼寶而間飾之

復有熏香鬢樹從此出生種種塗香種種熏香種種花鬘復有大集會樹最勝微妙其根深固五十踰繕那其身高挺百踰繕那枝條及葉遍覆八十踰繕那雜華開發其香順風

熏百踰繕那逆風重五十踰繕那於此樹下三十三天兩四月中以天妙五欲共相娛樂復有歌笑舞樂樹從此出生歌笑舞等種種樂器又有資具之樹從此出生種種資具所謂食飲之具坐卧之具如是等類種種資具又彼諸天欲受用時隨欲隨業應其所須來現手中

又諸非天隨其所應受用種種宮殿富樂應知又北拘盧洲有如是相樹名曰如意彼諸人衆所欲資具從樹而取不由思惟隨其所須自然是手復有粳稻不種而穫無有我所又彼有情竟無蟬芻決定勝進

又天帝釋有普勝殿於諸殿中最爲殊勝仍於其處有百樓觀一一樓觀有百臺閣一一臺閣有七房室一一房室有七天女一一天女有七侍女

又彼諸天所有地界平正如掌竟無高下復觸之時便生安樂下足之時陷便至膝舉足

習四

十三

王

之時隨足還起於一切時自然而有曼陀羅華遍布其上時有微風吹去萎華復引新者又彼天宮四面各有大街其形殊妙軌式可觀清淨端嚴度量齊整復於四面有四大門規模宏壯色相希奇觀之無狀實爲殊絕多有異類妙色藥叉常所守護復於四面有四

園苑一名續車二名鹿澀三名和雜四名喜林其四園外有四勝地色相殊妙形狀可觀端嚴無比其宮東北隅有天會處名曰善法諸天入中思惟稱量觀察妙義近此園側有如意石其色黃白形質殊妙其相可觀嚴麗無比

又彼天身自然光曜間相若現乃知晝去夜  
分方來便於天妙五欲遊戲之中嬾惰睡眼  
異類之鳥不復和鳴由此等相以表晝夜

又彼諸天衆妙五欲甚可愛樂唯發喜樂彼  
諸天衆恒爲放逸之所持行常聞種種歌舞  
音樂鼓噪之聲調戲言笑談謔等聲常見種

種可意之色常與種種微妙之香恒對種種美好之味恒觸種種天諸練女最勝之觸恒為是樂牽引其意以度其時

又彼諸天多受如是衆妙欲樂常無疾病亦無衰老無飲食等匱之所作俱生之苦無如前說於人趣中百餘匱之一苦

瑜伽師地論卷第四

瑜伽師地論卷第四 習四